



COMUNU DE CABUDERRA

Tzitadi Metropolitana de Casteddu

09.01.2023

Setori N.4 - Politzia Munitzipali

Ordinàntzia n. 3 de su 09/01/2023

OGETU: PRÒROGA ORDINÀNTZIA N. 115 DE SU 22.12.2022 MODÌFICA DE SU CAMINU DE TRASPORTU PÙBLICU EXTRA - URBANU ARST - FIRMADA IN BIA DE CASTEDDU N. 292.

SU RESPONSABILITÀ DE SU SETORI

Bius:

- is art. 7, 21 e 37 de su Còdixi Nou de sa Strada, aprovau cun D.L.gs. 30.04.1992 n. 285 e s.m.i., e finas su regulamentu de esecuzioni e de cumprimentu aprovau cun D.P.R. 16.12.1992, n. 495;
- s' art. 107 de su D.L.gs 267/2000, cun su "Testu ùnicu asuba s' ordinamentu de is Entis Localis";
- su decretu sindacali n. 21 de su 06.05.2022, chi at donau s' incàrrigu de posizioni organizativa de su Setori 4 – Politzia Locali a sa sutascrita;

Cunsiderau chi tocat a arrespetai sa seguresa in su caminu de is corrieras de s' ARST, chi candu strissiant de bia de Belvedere a bia de Casteddu tenint dificoltadis, ca nc' intrant finas in sa corsia cuntrària;

Postu chi custas manovras funt perigulosas e podint essi finas dannàrgias;

Cunsiderau finas chi in bia de Casteddu nc' at tràficu meda, duncas custas manovras funt unu strobu mannu po totus;

Torrada sceda a favori a totu s' istrutòria de su protzedimentu e cunsiderau chi po sa seguresa de sa circulazioni stradali tocat a mudai totu su tretu de strada po su trasportu pùblicu, de bia de Casteddu – bia de Assisi- bia de Siena;

Òrdinat

1. De perlongai sa firmada ARST in bia de Casteddu n. 292 po chi is veturas de trasportu pùblicu nci potzant passai in bia de Casteddu e sighiri in bia de Siena;
2. Sa suspensioni, fintzas a dii de stabiliri, de sa firmada de bia de Belvedere po chi su caminu de is corrieras siat prus seguru.

Cumandat

chi po chistionis de seguresa de is personis, sa Dita treballit po:

- nci ponni is sinnalis stradalis, cunforma a su D.P.R. 495/1992: “Regulamentu de esecutzioni e de cumprida de su Còdixi de sa strada nou”;
- po mèdiu de su responsàbili de sa seguresa de su cantieri, de imperai is sinnalis stradalis po comunicai chi funt cumentzaus is traballus e de totu su chi serbit, a de dii e a de noti (che a luxis o àterus sinnalis) po s’ arrespetu de su chi ddoi at in custa ordinàntzia etotu;
- de ndi fai bogai custus sinnalis a s’ impresa, de chi is traballus ant a essi acabaus;
- de considerai s’ impresa responsàbili in s’ in casu de dannus a s’ Aministratzioni Comunali o contra a àterus, po no ai sighiu custa ordinàntzia etotu o is normas in chistioni de cantieris stradalis;

Po totu su chi no nc’ at in custa ordinàntzia, s’ impresa si depit cunformai a su decretu interministeriali de su 04 de martzu 2013, chi pertocat sa seguresa de sa sinnalètica in is cantieris de traballu (G.U 67 de su 20.03.2013). Totu is fartas contra a sa seguresa stradali, totu is omissionis pertocantis sa sinnalètica, sa mantenidura e sa funtzioni cosa sua, a de dii e a de noti e in s’ in casu de pagu visibilitadi, su de no torrai che a primu sa strada de chi s’ ant a acabai is traballus, previdint, cunforma a s’ art. 21 de su D.L.gs n. 285/1992, sa santzioni aministrativa in dinai de unu mìnimu de € 868,00 fintzas a unu màssimu de € 3.471,00, e sa santzioni atzessòria de òbligu de torrai che a primu su logu interessau a is traballus.

Is ufizialis e is agentis de Polizia Stradali e totu is sugetus interessaus a manera istitutzionali, cunforma a s’art. 12 de su D.L.gs. 30 de abrilu 1992 n. 285, tenint s’ incàrrigu de sa vigilàntzia e finas de averiguai s’ arrespetu de custa ordinàntzia etotu.

Sa responsàbili de su protzedimentu est Sa Dotora Roberta Maxia.

Una còpia de custa ordinàntzia bolit notificada:

- a su Sìndigu de Cabuderra;
 - a sa Statzioni de is Carabineris de Cabuderra, bia de Bologna 1/B;
- po connoscèntzia:
- a su Sìndigu de Cabuderra;
 - a s’ ARST, bia de Posada 8/10, Casteddu;
 - cun afisciadura in s’ albu Pretòriu;

Contra a custa Ordinàntzia si podit presentai:

- recursu a su Tar de Sardìnnia in cabu de 60 diis, o
-

- recursu straordinàriu a su Capu de su Stadu intru de 120 diis, de sa dì de notìfica o de candu s' est fatu connosci custu provedimentu etotu, cunforma a s'art. 8 de su D.P.R. n°1199/1971.

Cabuderra, su 09/01/2023

SA RESPONSÀBILI DE SU SETORI
Roberta Maxia
